

69495

EX 360.25

42

Epistolary

# 綏陽縣志

地理  
下上



民國十七年六月

綏陽縣志

壽員胡仁畧



69495

綏陽縣志序

在昔蘭臺珥筆瓠史成書冠聚氈毛裘綴狐腋躡駁故實遂貽夾漈之譏摺拾浮言終媿子長之作故知文章不朽視乎其人國史必具三長郡乘實同一體未易言也吾黔綏陽縣志創修伊始紀載良難何況槃瓠舊疆周禮之職方未志侏儻殊俗春秋之內傳不書本重華益地之餘附遵義府志之內不有制作奚進文明然自明神宗椒建以來清世廟改隸而後滄桑遘變輿圖易觀璣璫之高風芳蘭遽歇詹鄭之名箸燼草無存矣邑人概杞宋無徵邾郕愈陋王太史作孚之志存撰述遽止於宗炳遠遊陳廣文廷鈺之力事纂修僅類乎裨諱草創迨末造三靈慘黷四海羣飛歎秉筆之無人拾墜緒於何日維民建國播志續修而綏陽寂焉無聞人皆惜掌故之就湮余猶憾方志之多佚前在赤水軍次即聞縣志之編欣然曰革故鼎新之會抱殘守缺之秋諸君子讀鄭莫遺書事有可法者擬南董良史文不在茲乎爾乃搜竹書於汲縣求漆簡於河西考獻徵文似因實創開元十道之記已啓吉甫之先元豐

綏陽縣志

序

貴陽文通書局代印

九域之書實繼憲宗以後左圖右史無忝前修舉要撮凡悉歸至當猶以醴陵集在江文通有作志難史之言涇縣志成洪北江有苟簡濫收之懼不類嚮壁虛造大都秉筆直書似此用心良非易事西成今膺省篆樂觀厥成時閱三年功竣一旦想見淮南之作兼有衆長呂覽之編博取羣議裴秀舉地官之職匪惟槩揭川原馬彪拾郡國之遺不獨發皇耆獻此則允爲綏陽摺紳之典則足備貴州通志所取材者矣從此求治之吏親民之官按疆域而志安覆孟稽戶口而心憂懸罄覽風俗則思居仁由義考食貨則念通商惠工以及勸課農桑振興庠序禮制嚴謹選政修明洵良吏之鴻猷亦劇郡之龜鑑殘膏賸馥豈惟沾溉後人鉅製宏篇快覩頡頏先哲

中華民國十有七年元月貴州省政府主席桐梓周西成序

綏陽志序

志書之作所以垂法戒便稽核明一地建置之沿革及其習俗之文野遷變俾好古者有所考求不至文獻無徵貽後人以數典忘祖之誚周禮職方氏所掌殆不外此其關係之重亦可知已吾黔志書嚮推興義遵義二府及省志爲最詳瞻蓋當時秉筆之士多富於文學詞章又提倡撰修者實爲一代名流故能佩實銜華蜚聲往昔今時世大變科學盛興老師宿儒漸就零落其間雖不無有志之儒冀成絕業而苦人才缺乏事體繁重往往望而生畏卒以輟止其能告成功快然無憾者未見也蓋中國文字之衰已非一日矣予攝篆綏陽公暇卽留心斯舉又綏邑不乏明達之士語之以此復樂爲贊襄因極力提倡竊維綏陽自有明萬歷創建有詹邑侯者曾著輿圖記惜遭西水之擾甲申之變散佚無存洎清初邑紳鄭松齡繼纂縣志惟書成未刊時朝命修方輿志邑令陳世盛因採其稿成書八卷鄭莫府志所稱綏陽志者卽此也楊吳亂作兵燹之餘悉成炭燼今雖存草本節錄摘抄僅數十頁不過八卷

綏陽縣志

序

一一

貴陽文通書局代印

中一二首尾不具閱者憾焉前紳王太史作孚亦擬續修嗣以遠游未果後陳廣文廷鈺慮古人盛蹟將自此淹沒亟起捐貲稟辦方屬稿值反正遂已論者謂比殆非其時也夫一志書耳其難就乃如此豈果人才缺乏事體繁重與抑亦顯晦之機自有定數非夫人力所能強求也按綏邑四封方三百里疏乞之世隸於梁州秦漢之間界在巴蜀屬牂牁郡唐爲播州地此後遞土遞流倏夷倏漢千餘年間滄桑屢易惟自宋明以降文教漸興中間政治之得失風俗之媿惡皆有足爲後世鑒者他如高人逸士節烈忠貞之流風餘韻迄今聞諸故老猶覺可歌可泣足以感發人之性情非有記述以表彰之載之簡策以流傳不朽曷以鍼砭末俗鼓吹休明闡幽光而昭炯鑒乎若夫咸同之兵戈迭起光宣之新政頻頒凡夫國故朝章犖犖大者皆不能任其疏脫付之闕如用是力爲籌商設局採訪竭蹶從事務求翔實不取虛誣編纂兩期幸獲告竣縱煞費苦心不顧也予材疏學淺不諳掌故之學乃能竟前人未竟之緒斯故諸紳耆勳勳之力而亦未嘗非冥冥中先哲賢良有以默相之此後壽

諸名山傳其人或之可少補風化裨益後學是固予之私願而有盼於將來者也稿  
既定爰誌其緣起如此

中華民國十有六年丁卯知綏陽縣事珉州胡 仁序

綏陽縣志

序

三

貴陽文通書局代印

綏陽縣志

原序

天下之廣東西南朔風土不齊古太史採風以獻王廷誠巨典也今聖天子當陽聲教四訖德威廣播遐陬異域莫不梯山航海望風景從卽有時省方問俗亦難遍歷周知此一統志之修所不容已也稽古職方所載九州大勢略備閒覽而十五國風採民間之歌謠占人心之雅正見政治之得失正變貞淫懲勸法戒臚列方冊瞭如指掌又卽州縣志之所由起也綏陽爲禹貢梁州之域天文井鬼分野永山仙嶺周環保障雅水清泉旋繞隄封南連遵湄羊腸萬疊北界桐正鳥道千迴况文才武略不無著績之人花香草瑞胥爲載筆之物一經收集千載流芳志豈可不修乎且志之所載取其扼要方輿不志星野疆域山水形勢莫知界限建置不志城郭廟壇縣治學宮莫詳創作祀典不志犧牲不陳粢盛不備無以卻旱溢之災官職不志善政不存治道易沒無以觸甘棠之思推而食貨有志選舉有志人物藝文有志班班可

綏陽縣志

四

貴陽文通書局代印

考詎不要哉溯前明詹公淑當設縣之始撰有輿圖志惜遭兵燹遺集散失迨甲寅前令唐椿僅得鄭松齡殘稿欲修而未全某自乾隆二十三年十月到黔卽蒙委署綏篆旋奉各憲檄飭查議志書不修文獻無徵故到任之日卽覓縣志書吏茫然無以應旋集通邑紳士採輯前令殘稿設立公局囑以各盡所長共勸厥事務期詳搜博採稽實核真刪繁補缺彙輯成帙使事事有切政治有益風化庶可與職方風詩省志郡乘並垂奕禩云

乾隆二十四年己卯攝綏陽縣事澄海陳世盛謹識

續修綏陽志序

志乘之作擬於古之陳詩觀風職方所載由來尙已而吾竊于綏修志經過之歷史而有慨焉遐考綏邑自平播設縣詹公爲之創始即撰有輿圖志繼以唐公椿又繼以陳公世盛一則修而未竟一則纂而成帙卒因兵燹散佚今所存者僅陳之抄本十餘頁而已越至清末詹公愷來宰是邦奉諭創設學堂委貢生陳君廷鈺蒞辦學務煥亦忝與其間每當公餘茗談深有慨于志乘之闕如亦嘗議及修纂矣究之詹既不久于任陳亦轉瞬作古因而未果延至 年遵義有續修府志之舉飭五屬爲之採集我邑任其事者爲李君培枝加以郡城徐孝廉大藩來綏守候時李君任邑學董身染瘡疾猶朝夕操觚不敢告勞兩閱月而竣事蓋以屬在地方義務春秋之義責無旁貸且預爲縣志地耳迨己未秋邑侯陶公承中央纂修之令以陳君大經總其事時僅有李君府志遺稿交局外以採訪無效踰歲毫未拈筆既而匪氛四起風鶴時驚茲事遂以擱置而陳亦旋故此此前此創辦之大略情形也洎夫乙丑地方

綏陽縣志

序

五

貴陽文通書局代印

稍靖胡公壽良蒞任又來國學館之徵集縣志公固熱忱於是佇望旦夕觀成以爲地方潤色者會議之頃卽屬李君爲之總纂並以王君道隆丁君永恩及煥共勸厥事時李君方以陳之虛與委蛇爲憾且恃府志原稿尙在陳處遂以計日告成爲己任孰意事出意外及向陳之家屬索稿而已片紙無存矣嗣經胡公躬詣其家翻檢卒無所獲噫所謂百年成之不足一旦廢之有餘者此其爲我邑乘顯晦之關豈淺鮮哉夫縣志者鄉土列史也紀必實錄方足以信今傳後而工拙猶其餘事竊謂光宣之際去古猶未遠也當日者故家遺俗父老孺紳其親歷夫前化之治亂興衰典章文物類能成竹在胸言之成章者頗不乏人假令以之備顧問資採擇則其事實詳盡足以備一邑之大觀而無憾當爲何如者今顧爲之於文獻不足之後亦已末矣乃并此已獲之陳跡而亦軼之而欲其憑空結篆以摛藻揚華是不啻無米爲炊雖巧婦且敬謝不敏安所望於謏陋承乏者哉說者曰亦在夫人自爲採擇耳斯言固也值寧亦思此兵荒之餘米珠薪桂餓殍載途曾是全綏數百里可

以些須旅費而周歷者又况數年以來耆舊凋謝加以滇軍暨羅匪輩在城盤踞之後公牘檔案亦蹂躪無餘於此而猥言採集無論夫經費支絀也卽令不各鉅貲問可以購已燼之文件而抄錄掌故並起已逝之父老而一詢往事否乎同人當此躊躇累月寢處不遑又以胡公爲之督促不得已以分纂而親歷各區藉資撫拾以從事編輯乃未幾而各界人士嘖有煩言而幾無以應付矣而李君方以嚴寒霜雪羸喘時發猶勉扶床頭晝夜參輯並以王丁數君爲之考訂不輟凡以期速成也無何而爆竹一聲倏焉桃花笑人瓜期在卽而李君病勢加劇矣斯時也各門雖粗具梗概內惟兵事一端較爲瑣碎難着手僉以必待各項脫穎後乃可羣焉悉心校讐爲言適煥以俗冗謀歸因商請所有零稿并原探先人記略回舍彙輯期以仲春歲事不圖李君竟以病劇過歸而訃音旋至矣此又繼辦之大略情形也噫嘻幾經盤錯一簣尙虧何天之以阨斯志者而并阨及事此之人急之而反以得緩一至于此耶丁卯暮春胡公又添聘冉戴兩君以續其成同人且崑函促煥來局以竟手續茲

## 綏陽縣志

序

六

貴陽文通書局代印

雖因陋就簡潦草塞責而模規狹隘譬之作室數椽容膝已耳遑問夫廣廈千間高堂數仞美輪奐以壯觀瞻哉竊嘗謂誦詩三百雅頌而外大抵出於孤臣孽子嫠婦野人之遭時不偶因物寄興而發他如文王演周易仲尼作春秋周公賦鴟鴞以及離騷孤憤之詞左傳史遷之筆雖皆以憂盛危明操心慮患而發爲著述類能隨意成書未聞別有掣肘何吾邑之志旣屢以阨而不存復屢以阨而始企於成也古云天將降大任於是人也必有空乏拂亂之遭以爲動心忍性之具良以玉汝於成有由然也此志之若是其艱且窘者豈天之果有所啓歟吾深望夫後之臨斯土者觀山川物產而思因土宜以溥樂利覘文藝武備而思修文德以秩兵戎因戶口賦稅而思培國脈以厚民生學校也而益宏造就食貨也而益臻美備推之典禮人物風俗莫不藉前此之陳跡斟酌損益愈有擴充之而日進文明而凡生斯長斯者一遐想夫祖宗栽培之厚山川鍾毓之靈數典不忘以發皇事業復能不囿方隅推陳出新以光邦家而一煥表裏之河山乘長風而瀉中西之烟浪則爲時勢所造之英雄

且轉爲造時勢之英雄矣安見大任之有其人不自斯志之成有以基之哉語曰先  
難後獲煥不揣固陋追原始末以弁簡端亦不忘先難之意并以見胡公之勉爲其  
難有志竟成爾

中華民國十六年歲在丁卯之蒲月望四日縣志分纂李煥榜序於洋川城之學  
書屋

綏陽縣志

序

七

貴陽文通書局代印

### 恢復志局稟

爲恢復志局瀝陳 鈞鑒事竊緜陽縣志之修經前縣長陶稟准 上峯立案已委紳開辦在案茲更將經過之點及纂修之必要縷陳 聰聽考我緜自有明萬曆創建以來詹邑侯著有輿圖記旋遭水西之擾甲申之變久已隻字無存迨前清初邑侯鄭松齡纂爲縣志排次已定未付棗梨尋值詔修方志時邑令陳世盛設局採輯參以鄭志成書八卷鄭莫府志所稱緜陽縣志者即此嗣經楊吳之亂泱歲兵燹輒爲灰燼今有草本僅十數頁不過八卷中之一二首尾不具何以成書前紳王太史作孚有志纂修卒以遠遊未遂繼則陳廣文廷鈺慨杞宋之無徵捐資稟辦起而脫穎時值反正事遂中輟迨民國三年遵義有續修府志之舉我緜隸在東陲遂委李紳培枝爲該局會辦設局採訪體例則從府志而蒐羅則預備縣志爲挹彼注此之計迨陶前縣長稟准纂修縣志索此底稿李遂脫然全數交出委陳紳大經主筆旋因兵匪停辦並將李稿散佚大經亦不久病故遂爾擱置至今可見事體之大如此

### 緜陽縣志

序

八

貴陽文通書局代印

其難顯晦之機是有定數也夫緜邑四封方三百里疏化之世隸梁州秦漢之間介在巴蜀晉屬牂牁唐爲播州從茲以降遞土遞流條夷條漢滄桑屢更沿革不一苟無紀述何以明徵矧破荒以來漸趨文化政治之得失俗習之媿惡不有簡策曷昭炯戒又其間學人逸士節烈忠貞亦足啓發將來下而至於咸同之間兵戈疊起光宣之際新政頻頒事關國故詎可任其疏脫問掌故則無以應考文獻則又不足是我緜縣志之修既在刻不容緩之列况夫學術趨新文字一端下儕美術失此不治恐將來秉筆益難其選伏維 鈞台蒞止提綱絜領百廢俱興六區人士咸頌循良正不妨於公餘之暇爲不刊之舉督率紳董續厥墜緒設局採訪廣爲搜集家乘巷記皆我緜拾之資斷碣殘碑胥爲載筆之物總期信今而傳後奚事搗藻以揚華據事直書斯稱實錄 生等再四思維烏容自己爲此協懇恢復志局釐訂開支俾 鈞台得以總理一切委紳開辦着手進行書成之日上呈 鈞鑒核定再付梓人儻荷准如所請曷勝屏營待命之至謹呈

民國十四年十月二十日呈

綏陽縣志姓氏

鑒定

貴州省省長

周西成繼斌

主修

綏陽縣縣長

胡仁壽良

總纂

清拔貢

李培枝坤申

分纂

清附生

李煥榜炳章

清附生

王道隆少伯

清廩生

丁永恩懷仁

清廩生

冉崇銘新益

綏陽縣志

姓氏

九

貴陽文通書局代印

貴陽師範畢業生

戴光隆厚基

審察

清附生

梁書漢竹齋

清附生

童匯源難先

清廩生

梁炳章燦南

清遵義府學附生

陳錫光繼胡

清附生

李錦枝宴賓

遵義師範畢業生

丁作人少五

採訪

清附生

卜燮廷幹臣

遵義師範畢業生

李炳枝毓垣

清附生

劉廷鈞紹基

遵義中學畢業生	遵義中學畢業生	遵義師範畢業生	貴陽師範畢業生
---------	---------	---------	---------

王敬修 仲溶

羅錦文 春堂

梁楨 在中

陳坤元

李貞元 仲恆

李煥榜

王道隆

丁永恩

戴光嵐 晴山

繪圖

綏陽縣志

姓氏

十

貴陽文通書局代印

綏陽縣志目錄

地理志卷壹上下

卷上

輿圖

建置

疆域

形勝

山川

關梁

卷下

古蹟

內八景

外八景

邱墓

金石

風俗

祥異

場市

營建志卷貳上下

城池

公署

公所

書院

義學

學校

卷下

壇廟

寺觀

公田

職官志卷叁

綏陽縣志

目錄

十一

貴陽文通書局代印

官職

秩官

宦績

食貨志卷肆

戶口

田賦

錫卹

積儲

農業

物產

選舉志卷伍

科貢

議會

人物志卷陸上

列傳

孝友

行義

忠節附陣亡

流寓

方技

耆壽

人物志下

節孝

貞烈

義婢

武備志卷柒

兵制

兵事

營砦

藝文志卷捌上下

諭疏序記文傳銘墓誌詩賦  
附大事表

綏陽縣志

目錄

十二

貴陽文通書局代印

凡例

- 一縣治自明季因水西之擾甲申之變人類幾絕獻典缺亡詹邑侯著有輿圖記亦一字無存故明以前事實少紀載
- 一縣志自清初邑侯鄭松齡創修成書八卷嗣經楊吳之亂旋燬僅存草本殘斷不具今遵示續修廣加採訪輯爲成書
- 一縣志體例與省郡無殊茲仿貴州通志列八綱以統衆目庶綱舉目張有條不紊
- 一天文一門各方志俱首及之茲因學術趨新分野之說似未確切姑從省略氣候祥異則並附入地理
- 一光宣變法所行各新政略有端倪茲查照類似附入各門
- 一綏陽舊志康乾兩朝繼續草創惟迭經兵燹抄本散佚茲蒐羅無多故仍其舊
- 一是書採輯截至宣統三年爲止天然一大結束至民國鼎新事蹟每關國政之可述者各附入以備端倪

綏陽縣志

凡例

十三

貴陽文通書局代印

- 一舊志府志俱照原文收入不得擅改一字懼失真也惟於每條下旁注書目字樣以醒眉目
- 一新志採訪必慎見善必書不得任意參加致有濫收之誚亦不得聽其失遺致有偏刻之譏
- 一是書之成祇重事實今雖獻典無多而搜集無訛至文字之優劣勢難盡如人願所望於後之有志者
- 一兵事一項僅咸同十餘年以之編年似嫌不能引伸原議分段類叙嗣付審查仍主張加列年月惟彼此重複體例不合不過聊具事實而已
- 一兵事既屬分類自當叙及始末惟其間事實有不在境內者概作按語低寫一格以便區別
- 一是編非出一手瑕瑜互見以總纂缺席事無專責幾經作輟卒鮮折衷姑繕成帙以待來者

一是編原擬截至清末爲限民國事實採訪未及迨脫稿後旋議隨事增入第就見聞所及其臨時投稿一律照抄有無遺漏想能共諒

綏陽縣志

凡例

十四

貴陽文通書局代印

